

**AKT THEMELIMI
DHE
STATUT
I SHOQËRISË ME PËRGJEGJËSI TË KUFIZUAR
KASTRATI ENERGY**

Sot, më datë 26/01/2018 ne Ortakët e Shoqërisë "Kastrati Energy" sh.p.k mblidhen dhe bien dakort të themelojë një shoqëri me përgjegjësi të kufizuar sipas ligjeve të Republikës të Shqipërisë dhe dispozitave të mëposhtmene baze te vullnetit te tyre te lire dhe te plote.

1) Shoqeria "Kastrati Construction" sh.p.k. shoqëri me përgjegjësi të kufizuar, e krijuar sipas legjislacionit shqiptar, e regjistruar pranë Qendrës Kombëtare të Biznesit me numer unik identifikimi NUIS L61723012R, me seli në adresën: Sheshi Italia, Rr. Skerdilajd Llagami, Vila nr.1 Tiranë, Shqipëri, e përfaqësuar nga administratori **Z. Viron Hamzai** atësia Hetem, i datëlindjes 10.12.1956, lindur dhe banues në Tiranë, shtetas shqiptar, madhor dhe me zotësi të plotë juridike për të vepruar, i panjohur personalisht nga unë noteri, nëpërmjet kartës së identitetit me Nr.032144091 dhe Nr.Personal F61210045E.

2) **Z. Altin Kodra**, i biri i Medatit, shtetas Shqiptar, i lindur në Peshkopi, Diber me datë 16.12.1973 dhe banues në Tiranë në adresën Rruga "Lidhja Prizrenit" Pallati Vega, Hyrja nr.8., Kati 9, Ap.32, Tiranë, mbajtës i kartës të identiteti nr. 027158743 dhe me numër personal H31216130E madhor dhe me zotësi të plotë juridike për të vepruar.

**KAPITULLI I
EMRI, FORMA E SHOQËRISË, SELIA, OBJEKTI, KOHËZGJATJA**

Neni 1

Themelimi

- 1.1** Emri i shoqërisë është "Kastrati Energy" sh.p.k, këtu më poshtë e quajtur "Shoqëria". Shoqëria është themeluar në formën e shoqërisë me përgjegjësi të kufizuar në përputhje me legjislacionin Shqiptar.
- 1.2** Shoqëria fiton personalitet juridik me regjistrimin në Qendrën Kombëtare të Regjistrimit.
- 1.3** Shoqëria do të ushtrojë aktivitetin e saj në përputhje me legjislacionin Shqiptar dhe Statutin.

Neni 2

Selia

- 2.1** Selia e Shoqërisë ndodhet në adresën: Lagja 14, Ura e Dajlanit, Autostrada Durrës - Tiranë, Km.1, Zona Kadastrale 8515, Nr i Pasurise 8/2572, DURRES.



- 2.2** Shoqëria mund të themeloje degë, filiale dhe/ose zyra përfaqësimi brenda dhe jashtë territorit të Republikës së Shqipërisë, në përputhje me ligjet e zbatueshme dhe Statutin.

Neni 3

Objekti

- 3.1** Objekti i Shoqërisë do të jetë:

Import, eksport, tregtim dhe furnizim me shumice dhe pakice te energjise elektrike. Financimi, projektimi, zhvillim, ndertim, i hidrocentraleve dhe impianteve te tjera per prodhimin e energjise elektrike, shperndarjes, transmetimit te energjise elektrike, venia ne pune, administrimi, mirembajtja, shfrytezimi i tyre, prodhimi dhe tregtimi i energjise elektrike. Ndërtim, Projektim, konsulencë, sipërmarrjen zbatuese dhe/ose investimin, sipas rastit. Import-eksport i te gjithe llojeve te materialeve dhe makinerive të ndërtimit dhe jo vetem. Ndërtim, permiresim, mirembajtje te rrugeve, mbikalimeve dhe nенkalimeve, urave, tuneleve, porteve, aeroporteve, digave dhe veprave te tjera te infrastruktureve. Shoqëria mund të kryeje çdo veprimtari tjetër tregëtarë të lejueshme që është e nevojshme dhe e dobishme pë të përbushur objektin e saj.

Neni 4

Kohëzgjatja

- 4.1** Kohëzgjatja e Shoqërisë do të jetë për një afat të pacaktuar.

KAPITULLI II

KAPITALI FILLESTAR THEMELTAR, KONTRIBUTET, KUOTAT-PJESËT E KAPITALIT

Neni 5

Kapitali Themeltar dhe Ortakët

- 5.1** Kapitali themeltar i Shoqërisë është **3,000,000.00 Lekë (tremilion)**, i cili është i ndarë në 2 (dy) kuota.

- 5.2** Kapitali i Shoqërisë zotërohet nga Ortakët e mëposhtëm:

- 1)** Shoqeria "Kastrati Construction" sh.p.k. shoqeri me perjegjesi te kufizuar, e krijuar sipas legjislacionit shqiptar, e regjistruar prane Qendres Kombetare te Biznesit me numer unik identifikimi NUIS L61723012R, me seli ne adresen: Sheshi Italia, Rr. Skerdilajd Llagami, Vila nr.1 Tirane, Shqiperi, e perfaqesuar nga administratori **Z. Viron Hamzai** atesia Hetem, i datelindjes 10.12.1956, lindur dhe banues ne Tirane, shtetas shqiptar, madhor dhe me zotesi te plote juridike per te vepruar, i panjohur personalisht nga une noteri, nepermjet kartes se identitetit me Nr.032144091 dhe Nr.Personal F61210045W, zotërues i 1 (një kuote) të Shoqërisë, me vlerë nominale **2,400,000.00 Lekë (dymilion e katerqind mijë)** që përfaqëson **80% (tetëdhjetë përqind)** të kapitalit themeltar, me të drejtë vote.



- 2) Z. **Altin Kodra**, i biri i Medatit, shtetas Shqiptar, i lindur ne Peshkopi, Diber me datë 16.12.1973 dhe banues ne Tirane ne adresen Rruga "Lidhja Prizrenit" Pallati Vega, Hyrja nr.8., Kat 9, Ap.32, Tirane, mbajtës i kartës të identiteti nr. 027158743 dhe me numër personal H31216130E madhor dhe me zotësi të plotë juridike për të vepruar, zotërues i 1 (një kuote) të Shoqërisë, me vlerë nominale **600,000,00 Lekë (gjashtëqind mijë)** që përfaqëson **20% (njëzetë përqind)** të kapitalit themeltar, me të drejtë vote.
- 5.3 Përgjegjësia e Ortakëve shtrihet deri në shumën e kontributit të tyre në kapitalin e Shoqërisë.
- 5.4 Shoqëria mund të marrë nga Ortakët hua dhe financime në favor të saj, me apo pa pagesë, me ose pa detyrim rimbursimi në përputhje me legjislacionin në fuqi.
- 5.5 Adresat e Ortakëve dhe administratorëve për marrëdhëniet e tyre me Shoqërinë, janë adresat që rezultojnë nga statuti ose akti i emërimit të tyre dhe ndryshimet nëse ka pasur më vonë.

Neni 6

Transferimi i Kuotave

- 6.1 Me përjashtim të rastit kur me unanimitet Ortakët vendosin ndryshe, Ortakët nuk mund të vënë peng, barrë siguruese ose çfarëdolloj barre tjetër mbi kuotat e Shoqërisë.
- 6.2 Me përjashtim të rastit kur me unanimitet Ortakët vendosin ndryshe, nuk mund të transferohet e drejta e pronësisë mbi kuotat e Shoqërisë nga asnjëri prej Ortakëve tek palët e treta nëpërmjet (i) një akti dhurimi/ pa pagesë inter vivos, (ii) një akti shkëmbimi (ex neni 757 i Kodit Civil), (iii) një kontributi në Shoqëri të treta ose (iv) çfarëdolloj akti tjetër që drejtëpërsëdrejti ose indirekt realizon transferimin e pronësisë së ortakëve të Shoqërisë tek të tretët.
- 6.3 Kuotat e Shoqërisë janë të transferueshme inter vivos, kundrejt pageses, sipas procedurës së përcaktuar nga paragrafët në vijim te këtij nen, duke konsideruar ndalimin/përjashtimin nga transferimi sipas pikës 6.2 më sipër.
- 6.4 Ortaku që synon të transferojë të drejtën e pronësisë mbi kuotën që zotëron (në vijim "**Ortaku Shitës**"), duhet të njoftojë paraprakisht me shkrim të gjithë Ortakët e tjerë (në vijim "**Ortakët e Tjerë**") nëpërmjet një letre rekomande me njoftim marrjeje (në vijim "**Njoftimi**") të dërguar në adresën përkatëse të Ortakëve. Njoftimi duhet të përbajë çmimin e kalimit të kuotës.
- 6.5 Ortakët e Tjerë do të kenë të drejtë të blejnë kuotën e ofruar, me të njëjtin çmim sikurse të përcaktuar në Njoftim. Nëse cilido prej Ortakëve të Tjerë synon të ushtrojë të drejtën e parablerjes, duhet të njoftojë Ortakun Shitës me letër rekomande me njoftim marrjeje brenda 15 (pesëmbëdhjetë) ditëve nga data e marrjes së Njoftimit. Në të kundërt, do të konsiderohet se është hequr dorë prej së drejtës së parablerjes.

- 6.6** Nëse më shumë se një prej Ortakëve të Tjerë ka ushtruar të drejtën e parablerjes, kuotat e ofruara do të blihen prej tyre ne përpjesëtim me kuotat përkatëse që ata zoterojnë në Shoqëri me te njëjtat kushte dhe afate te propozuar nga i treti, Ortaku Shitës.
- 6.7** Nëse asnjë prej Ortakët të Tjerë nuk ushtron të drejtën e parablerjes brenda afatit të sipërshënuar, Ortaku Shitës do të jetë i lirë të shesë/transferojë tek i treti kuotën e përcaktuar në Njoftim, i cili duhet të përmbajë: (i) emrin e të tretit blerës, (ii) çmimin për transferimin e kuotës. Transferimi i kuotës së zotëruar nga ortaku do të kryhet vetëm pas miratimit unanim nga Asambleja të cmimit të shitjes, i cili nuk duhet të jetë më i ulët nga ai i përcaktuar në nenin 6.4. Miratimi nga Asambleja nuk do të vonohet apo pengohet pa shkaqe të arsyeshme, të cilat mund të lidhen vetëm me rregullsinë e transaksionit.
- 6.8** Kushtet e parashikuara më sipër nuk do të zbatohen në rast transferimi të kuotave nga një Ortak tek një Shoqëri e cila ndodhet nën kontrollin e këtij Ortaku ose kontrollon këtë ortak ose në rast transferimi nga një Ortak tek një pasardhës ose paraardhës i drejtpërdrejtë i tij ose tek bashkëshorti, nëse është dhënë pëlgimi me shkrim nga të gjithë Ortakët e shoqërisë. Në këtë Statut, fjala "kontroll" ka të njëtin kuptim të përdorur në ligjin tregtar.

KAPITULLI III ORGANET DREJTUESE TË SHOQËRISË

Neni 7

Asambleja e Përgjithshme

- 7.1** Asambleja e Përgjithshme është organi më i lartë vendimmarrës i Shoqërisë.
- 7.2** Vendimet e Asamblesë së Përgjithshme, të marra në përputhje me legjislacionin në fuqi dhe me dispozitat e këtij Statuti, janë të detyrueshme për të gjithë Ortakët, pavarësisht janë apo jo të pranishëm në mbledhje, janë apo jo dakord me këto vendime.
- 7.3** Asambleja e Përgjithshme ka funksionet e mëposhtme:
- Përcakton politikat tregtare dhe ekonomike të Shoqërisë dhe mbikëqyr zbatimin e këtyre të fundit nga administratori/(-ët);
 - Emëron dhe shkarkon administratorin/(-ët) në përputhje me rregullat që përcaktohen në Akt Themelimi dhe Statut;
 - Emëron dhe shkarkon ekspertin/(-ët) kontabël dhe/ose likuiduesin/(-ët) e Shoqërisë;
 - Përcakton shpërblimin e administratorit(-ëve), ekspertëve kontabël dhe likuiduesve;
 - Miraton pasqyrat financiare vjetore dhe raportet e ecurisë së veprimtarisë të përgatitura nga administratorët;
 - Merr vendim për ndryshimet e Statutit dhe të Akitit të Themelimit;
 - Merr vendim për zmadhimin ose zvogëlimin e kapitalit të Shoqërisë;

- Merr vendim për shpërndarjen e fitimeve dhe mbulimin e humbjeve;
- Merr vendim për riorganizimin e Shoqërisë ose prishjen e saj;
- Merr vendim për çdo çështje tjeter të parashikuar nga ligji.

Neni 8

Thirrja

- 8.1** Mbledhja e Asamblesë së Përgjithshme mund të thirret nga Administratori/(-rët) apo prej Ortakëve zotërues të të paktën 5% të votave sipas legjislacionit në fuqi.
- 8.2** Asambleja e Përgjithshme thirret nëpermjet një njoftimi me shkrim me lajmërim marrje, ose postë elektronike me lajmërim marrje.
Njoftimi me shkresë apo me mesazh elektronik duhet të përbajë vendin, datën, orën dhe rendin e ditës dhe duhet t'u dërgohet Ortakëve brenda 7 (shtatë) ditëve para datës së parashikuar për mbledhjen e Asamblesë.
- 8.3** Mbledhja e Asamblesë së Përgjithshme zhvillohet normalisht në selinë e Shoqërisë ose në një vend tjeter brenda ose jashtë Republikës së Shqipërisë.
- 8.4** Asambleja e Përgjithshme shprehet në mënyrë të veçantë për çdo çështje të rendit të ditës, për të cilën duhet të merret një vendim i veçantë.
- 8.5** Ortakët mund të marrin pjesë në Asamblenë e Përgjithshme personalisht ose nëpermjet përfaqësuesit të autorizuar me prokurë/autorizim me shkrim, i cili do të jept vetëm për një mbledhje të Asamblesë së Përgjithshme, duke përfshirë edhe mbledhjet vijuese me të njëjtin rend dite. Administratori/(-ët) e Shoqërisë nuk mund të përfaqësojnë Ortakët në Asamblenë e Përgjithshme.
- 8.6** Ortakët që nuk janë të pranishëm mund të marrin pjesë në mbledhjen e Asamblesë së Përgjithshme nëpermjet mjeteve elektronike të audiove dhe video-konferencës.
Përdorimi i mjeteve elektronike për t'u mundësuar Ortakëve të marrin pjesë në mbledhjen e Asamblesë Përgjithshme, bëhet me kushtin që të merren masat teknike të nevojshme për të garantuar identifikimin e Ortakëve dhe sigurinë e komunikimeve elektronike, deri në ate masë që ky përdorim të jetë proporcional me arritjen e këtyre qëllimeve.

Neni 9

Procesi i Vendimmarrjes

- 9.1** Asambleja e Përgjithshme mblidhet sa herë që është e nevojshme, por në çdo rast të paktën një herë në vit.
- 9.2** Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zoterojnë më shumë se 30 % për qind të kuotave. Në rastin kur

asambleja e përgjithshme duhet të vendosë për çështje, të cilat kërkojnë shumicë të kualifikuar, sipas pikes 9.4 te ketij Statuti, ajo mund të marrë vendime të vlefshme vetëm nëse ortakët që zotërojnë 100 % të numrit total të votave janë të pranishëm personalisht, votojnë me shkresë, apo mjete elektronike.

Nëse asambleja e përgjithshme nuk mund të mblidhet për shkak të mungesës së kuorumiit të përmendur në pikën 1 të këtij nenit, asambleja mblidhet përsëri jo më vonë se 30 ditë, me të njëjtin rend dite.

- 9.3** Asambleja e Përgjithshme vendos me 51 % e votave të ortakëve pjesëmarrës, në lidhje me çështje për të cilat ligji dhe/ose ky Statut nuk kërkon një shumicë të cilësuar të përcaktuara në pikën 9.4 më poshtë.
- 9.4** Vendimet e mëposhtme do të konsiderohen Vendime Strategjike për veprimtarinë e Shoqërisë dhe do të jenë të vlefshme vetëm nëse për to votojnë Pro Ortakët që veçmas ose bashkarisht përfaqësojnë **të paktën 75% (shtatëdhjetë e pesë përqind)** të kapitalit themeltar të saj ose $\frac{3}{4}$ e votave të ortakëve pjesëmarrës:
- i. Ndryshimin e këtij Statuti dhe Akti Themelimi;
 - ii. Rritjen dhe zvogëlimin e kapitalit të regjistruar të Shoqërisë;
 - iii. Shpërndarjen e fitimeve (dividenti) dhe mbulimin e humbjeve;
 - iv. Riorganizimin dhe prishjen e Shoqërisë;
 - v. Emërimin dhe shkarkimin e Administratorëve të Shoqërisë;
 - vi. Miratimin e biznes planit të Projektit;
 - vii. Miratimin e pasqyrave financiare të Shoqërisë;
 - viii. Nënshkrimi i çdo lloj kontrate dhe çfarëdolloj forme pagese me një vlerë të barabartë ose më të madhe se 100.000 Euro;
 - ix. Çdo financim nga bankat apo institucionet e tjera financiare;
 - x. Vendosjen peng apo kolateral të kuotave në Shoqëri si dhe vendosjen peng apo kolateral të çdo pasurie të Shoqërisë.
- 9.5** Në rastet kur Ortakët nuk marrin vendim në lidhje me çështjet e parashikuara nga nenit 9.4, të konsideruara Vendime Strategjike, për të cilat kërkohet vendimarrje me shumicë të cilësuar të cilat kërkohet të votohen në Asamblenë e Ortakëve, Shoqëria konsiderohet të ndodhet para rastit të ashtuquajtur Bllokim në Vendimarrje ("**Bllokim Vendimarrjeje**"). Në këtë rast, Ortakët do të caktojnë një ekspert të jashtëm të pavarur për të shqyrtuar rrethanat që përbëjnë Bllokimin në Vendimmarrje (këtu më poshtë referuar si "**Eksperti**").
- 9.6** Eksperti do të jetë një person i caktuar nga Ortakët për të zgjidhur një situatë të caktuar për të cilën duhet të merret një vendim nga Asambleja e Ortakëve dhe Eksperti ka dijeni dhe eksperiencë profesionale të caktuar.
- 9.7** Ortakët do të zgjedhin Ekspertin brenda një afati prej 5 (pesë) ditësh nga momenti i Bllokimit në Vendimmarrje.

- 9.8** Ekseprtë do të marrë një vendim për zgjidhjen e Bllokimit në Vendimmarrje, i cili do të jetë i detyrueshëm për Ortakët. Shpenzimet për caktimin e Ekspertit dhe arritjen e zgjidhjes në vendimmarrje do të përballohen nga Ortakët në mënyrë të barabartë.

Neni 10

Largimi i Ortakut të Shoqërisë

- 10.1** Ortaku mund të largohet nga Shoqëria në rast se:

- i. Ortakët e tjerë apo Shoqëria kanë kryer veprime në dëm të tij, me faj ose nga pakujdesia;
- ii. Është penguar të ushtrojë të drejtat e tij sipas Statutit dhe Aktit të Themelimit;
- iii. Shoqëria i ka ngarkuar detyrime të paarsyeshme;
- iv. Ekzistojnë shkaqe të tjera që e bëjne të pamundur vazhdimësinë e Ortakërisë në këtë Shoqëri ose është shkelur parimi i mirëbesimit dhe i qëllimit për të cilin është formuar kjo Ortakëri.

- 10.2** Për ushtrimin e të drejtës së largimit zbatohet Ligji 9901/2008 "Për tregtarët dhe shoqëritë tregtare".

Administratori/(-ët) thërrasin mbledhjen e Asamblesë së Përgjithshme menjëherë pas komunikimit të njoftimit të largimit për të vendlor nëse Ortakut do t'i likuidohet kuota, si pasojë e largimit për shkaqe të arsyeshme.

- 10.3** Për vlerësimin e çmimit të kuotës të Ortakut të dorëhequr që duhet shlyer, do të merret parasysh vlera sipas kërkesës së tregut në shit-blerjen e kuotave në momentin e largimit të Ortakut.

Neni 11

Organi i Administratorit

- 11.1** Shoqëria administrohet nga një ose më shumë administrator/(-ë), i/(-të) emëruar nga Asambleja e Përgjithshme.

Në aktin e emërimit mund të caktohen kufizime të tagrave të administratorit/(-eve).

- 11.2** Shoqëria do të administrohet nga 1 (një) Administrator me të dhënrat e mëposhtme:

Z. Eltion Lako, i biri i Qeremi-it, shtetas shqiptar, i lindur në Vlore, në datën 30.09.1978, madhor dhe me zotësi të plotë juridike për të vepruar, i identifikuar nga karte identiteti me numër 027913291 dhe me numër personal H80930051F.

- 11.3** Mandati i Administratorit është për një afat 2 (dy) vjeçar, me të drejtë ripërtëritje. Asambleja e Përgjithshme mund të shkarkojë Administratorët në përputhje me legjisacionin në fuqi.

- 11.4** Shoqëria përfaqësohet ndaj të tretëve nga Administratorët e lartpërmendur.

- 11.5** Përveçse kur parashikohet ndryshe me vendimin përkatës të Asamblesë së Përgjithshme për emërimin e Administratorit, Administratori ka të drejtat dhe detyrimet e mëposhtme:
- Administrimin e veprimtarisë së Shoqërisë duke zbatuar politikat tregtare dhe ekonomike të përcaktuara nga Asambleja e Përgjithshme;
 - Përfaqësimin e Shoqërisë në marrëdhënie me çdo palë të tretë;
 - Marrjen e masave për hartimin dhe mbajtjen në mënyrën e duhur të pasqyrave financiare dhe të dokumentave;
 - Përgatitjen dhe nënshkrimin e pasqyrave financiare vjetore dhe bilanceve të konsoliduara, përgatitjen e raportit të ecurisë dhe dorëzimin e këtyre të fundit bashkë me propozimin përkatës për shpërndarjen e fitimeve pasi të jenë miratuar me vendim të Asamblesë së Përgjithshme të Shoqërisë;
 - Dorëzimin në Qendrën Kombëtare të Regjistrimit të dokumenteve dhe të të dhënave të Shoqërisë, përveç rasteve kur ligji parashikon ndryshe;
 - Raportimin në Asamblenë e Përgjithshme të Shoqërisënë lidhje me zbatimin e politikave tregtare të Shoqërisë dhe në lidhje me përbushjen e transaksioneve të një rëndësie të veçantë për ecurinë e Shoqërisë;
 - Kryerjen e çdo detyre tjeter të parashikuar nga ligji ose nga ky Statut.
- 11.6** Administratori mund të autorizojne nëpërmjet një prokure të posaçme një palë të tretë të përfaqësojë Shoqërinë dhe të nënshkruejë çdo dokument, kërkesë ose aplikim në emër dhe për llogari të Shoqërisë.
- 11.7** Administratori eshte përgjegjës ndaj Shoqërisë për çdo veprim apo mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
- 11.8** Administratori ka të drejtë të rimbursohet për shpenzimet e kryera për shkak të funksionit të tij.

Kufizime të Kompetencave:

- 11.10** Administratori ka Kufizimet e Kompetencave si më poshtë të përcaktuara dhe nuk mund të veprojnë pa marrë miratimin me vendim të Asamblesë së Përgjithshme sipas kuorumi të kérkuar në pikën 9.4 më sipër:
- i. Të marre vendime dhe të kryejne veprime mbi një, disa ose të gjitha çështjet e përcaktuara në pikën 9.4 të nenit 9 të këtij Statuti pa marrë miratimin e Asamblesë së Përgjithshme sipas kuorumi të përcaktuar në këtë pikë;
 - ii. Të nënshkrue Kontrata, akte, marrëveshje të çfarëdolloj natyre dhe forme, me çdo lloj pale të tretë me një vlerë të barabartë me ose më të madhe se **EUR 100.000 (njëqind mijë euro)**, pa marrë miratimin me vendim të Asamblesë së Shoqërisë sipas pikës 9.4 të këtij Statuti;

11.11 Për një, disa ose të gjithë kategorinë e veprimeve të listuara në pikën 9.4 të nenit 9 të Statutit dhe në përputhje me Kufizimet e Kompetencave si më sipër të përcaktuara, Administratori do të veproje vetëm me miratim me vendim nga Asambleja e Përgjithshme e Shoqërisë sipas pikës 9.4 më sipër. Asambleja e Përgjithshme, në bazë të një vendimi të marrë me shumicën e përcaktuar sipas pikës 9.3, të këtij Statuti, ka të drejtë të ngre padi përpara gjykates kompetente për shfuqizimin e vendimeve të administratoreve, si pasoje e shkeljes së rëndë të ligjit dhe/ose të statutit të Shoqërisë.

KAPITULLI IV

VITI FINANCIAR - SHPËRNDARJA E FITIMEVE

Neni 12

Viti Financiar

12.1 Viti financiar fillon më 1 Janar dhe përfundon në 31 Dhjetor të çdo viti kalendarik. Në përfundim të vitit kalendarik Administratori harton pasqyrat financiare të Shoqërisë në përputhje me ligjet në fuqi.

Neni 13

Shpërndarja e Fitimeve

13.1 Pas miratimit të pasqyrave vjetore financiare dhe në rast se janë realizuar fitime, Asambleja e Përgjithshme vendos në lidhje me shpërndarjen ose jo të fitimeve.

13.2 Në rast se pas miratimit të pasqyrave vjetore financiare Shoqëria rezulton me humbje, Asambleja e Përgjithshme vendos në lidhje me mbulimin e humbjeve.

Neni 14

Rezerva ligjore

Nga fitimi pas tatimit i realizuar gjatë vitit financiar paraprak, duke zbritur kostot, shoqëria kalon në rezervën ligjore, të paktën 5 për qind të kësaj vlere, derisa kjo rezervë të jetë e barabartë me 10 për qind të kapitalit të regjistruar të një shoqërie

Shoqëria llogarit dhe ndan kuotat vetëm pasi të zbresë shumat e alokuara për rezervat e përmendura.

KAPITULLI V
DISPOZITA PËRFUNDIMTARE

Neni 15

Ligji i Zbatueshëm

- 15.1** Për të gjitha çështjet që nuk parashikohen në këtë Statut do të zbatohen dispozitat përkatëse të legjislacionit shqiptar në lidhje me shoqëritë tregtare.

Neni 16

Të ndryshme

- 16.1** Ky Statut është hartuar dhe nënshkruar në 4 (kater) kopje origjinale në gjuhën shqipe, me të njëjtën vlerë secila nga Ortakët e Shoqërisë.

ORTAKËT NËNSHKRUES
TË
STATUTIT TË SHOQËRISË ME PËRGJEGJËSI TË KUFIZUAR
KASTRATI ENERGY

"Kastrati Construction" SH.P.K.

E përfaqësuar nga:

Z. Viron HAMZAI



*Plotësoni: emër, mbiemër, firmë, vulë

Z.Altin KODRA

Altin Kodra